




**PRVA BOŠNJAČKA GIMNAZIJA**  
*The First Bosniak High School*  
SARAJEVO

Ulica: Petrakijina 22  
71000 Sarajevo  
BOSNA I HERCEGOVINA  
tel.: ++(33) 22 70 96  
          ++(33) 26 10 01  
fax.: ++(33) 66 82 12  
<http://www.bosnjackagim.edu.ba>  
e-mail: [skola@bosnjackagim.edu.ba](mailto:skola@bosnjackagim.edu.ba)

Djel.broj: 03-2-967-1/16  
Sarajevo, 13.05.2016. godine

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona

**n/r predsjedavajuće Skupštine Kantona Sarajevo gđe. Babić Ane**



Bosna i Hercegovina  
Federacija Bosne i Hercegovine  
Kanton Sarajevo  
Ministarstvo za obrazovanje,  
nauku i mlade  
**n/r ministra prof.dr. Kazazović Elvira**

**PREDMET:** Inicijativa o zabrani konzumiranja duhana, duhanskih prerađevina i nargile u blizini odgojno-obrazovnih institucija

Prva bošnjačka gimnazija u Sarajevu je Pravilima škole **definisala upotrebu duhana i duhanskih prerađevina težom povredom učeničke dužnosti**. U cilju preventivnog djelovanja na svijest učenika o štetnom utjecaju duhana i duhanskih prerađevina, u toku školske 2015./2016. godine, poduzeto je sljedeće:

- Nastavničko vijeće je **usvojilo Akcioni plan o borbi protiv upotrebe duhana i duhanskih prerađevina**
- potpisana je **Platforma o borbi protiv upotrebe duhana i duhanskih prerađevina**. Platformu su potpisali: direktorica Gimnazija ispred Nastavničkog vijeća, predsjednica Vijeća roditelja ispred Vijeća roditelja i predsjednik Vijeća učenika ispred Vijeća učenika
- **organizovana su predavanja, od strane zdravstvenih radnika, o štetnosti upotrebe duhana i duhanskih prerađevina, ali i nargile na zdravlje čovjeka**. Prilikom predavanja ukazano je na višestruke štetnosti nargile.
- **Izrađeni su i stavljeni na vidljivo mjesto plakati, koji na slikovit način prikazuju štetnost duhana, duhanskih prerađevina i nargile, na čovjekovo zdravlje.**

Škola je odgojno-obrazovna institucija, stoga nastojimo osim najkvalitetnijeg obrazovanja pružiti i najkvalitetniji odgoj, međutim učenici su izloženi iskušenjima već pri samom izlasku iz škole, obzirom da **ne postoji adekvatna zakonska regulativa, koja se odnosi na:**

- zabranu prodaje duhana, duhanskih prerađevina i starijim maloljetnicima
- zabranu služenja nargile u ugostiteljskim objektima u neposrednoj blizini škola
- zabrane služenja nargile u udruženjima kao što su: udruženja veterana rata, neformalna udruženja i slično



UNIVERSITY of CAMBRIDGE  
International Examinations

Cambridge International School

Članom 12. Zakona o ograničenoj upotrebi duhanskih prerađevina („Službene novine FBiH“ broj: 6/98, 35/98, 11/99, 50/11), definisana je zabrana prodaje duhanskih prerađevina u objektima koji su od predškolskih i školskih ustanova udaljeni manje od 100 m i koji su smješteni unutar sportsko rekreativnih površina. Međutim, **zakonom nije definisana zabrana prodaje nargile**, što u velikome otežava zaštitu učenika u svakodnevnom konzumiranju nargile.

**Prva bošnjačka gimnazija u Sarajevu ulaže maksimalne napore da učenike zaštiti od svih negativnih utjecaja društva, ali neophodna joj je podrška i pomoć i nadležnih institucija, obzirom da škola nema utjecaja na dešavanja van iste. Stoga, predlažemo da se pokrene inicijativa izmjene zakona na način da se zabrani:**


- prodaja duhana, duhanskih prerađevina i starijim maloljetnicima
- služenje nargile u ugostiteljskim objektima u neposrednoj blizini odgojno-obrazovnih institucija
- služenja nargile u udruženjima kao što su: udruženja veterana rata, neformalna udruženja i slično, koji su u neposrednoj blizini odgojno-obrazovnih institucija

Osim naprijed navedenog, neophodno je **da se inspekcijska tijela također uključe u rješavanje ovog pitanja**, te da se obave systemske kontrole kada je riječ:

- o postojanju ugostiteljskih objekata u neposrednoj blizini odgojno-obrazovnih institucija
- o služenju alkohola u istim
- o služenju nargile, te prodaje duhana i duhanskih prerađevina u istim

Cijenimo i zahvaljujemo se za inicijativu predsjedavajuće Skupštine Kantona Sarajevo, gđe. Babić Ane, o zabrani i preventivnom djelovanju, kada je riječ o konzumiranju nargile, te za aktivnosti Ministarstva za obrazovanje, nauku i mlade Kantona Sarajevo. Nadamo se da ćemo zajedničkim naporima uspjeti djelovati na svijest učenika, međutim prije toga moramo djelovati i na svijest odraslih i spriječiti, da se u cilju ličnih materijalnih koristi, učenici dodatno izlažu negativnim utjecajima ugostiteljskih objekata i drugih udruženja u neposrednoj blizini odgojno-obrazovnih institucija.

S poštovanjem,

  
Direktorica  
Hota-Muminović Naida, prof., dipl.iur.